

Xi³ ma³jao²-ni³ xon⁴ xi³ pa²stro⁴

Pablo qui³squi³-le⁴ Timoteo

Pablo si¹ti²nta³

1 An³ nia¹³ Pablo, pa²stro⁴-le⁴ Jesucristo nca³ c²oa⁴-s⁷in² coan³me³-le⁴ Ni³na¹. An³ nia¹³ pa²stro⁴ xi³ t⁷a³ts⁷e⁴ je² cjoa⁴vi³jna³chon³ xi³ Ni³na¹ qui³si³s⁷e³nqui³, c²oa⁴ xi³ Cristo Jesús tsjoa¹. ²Ti²cji³-le²³ Timoteo ⁷nti¹-na⁴ xi³ tsjoa³que⁴. Ni³na¹ N⁷ai³-na¹ cao⁴ Jesucristo Nai³-na¹ ca²ta³tsjoa¹-li² cjoa⁴nta³, ca²ta³ma³ma⁴que³-li², ca²ta³si¹qui³njen³nch⁷an¹jⁱⁿ³ ni⁴ma⁴-li⁴.

C²oe¹ en¹-na¹ xi³ t⁷a³ts⁷e⁴ Nai³-na¹

³Tsjoa³-le⁴ cjoa⁴nta³ Ni³na¹, je² xi³ c²oa⁴-s⁷in² si¹chjen¹-na³ nca³ tsje³ tjⁱⁿ¹ cjoa⁴fa³⁷ai³tsjen³-na⁴ jo³-s⁷in² ji²tjo⁴j^{ian}³ cho⁴ta⁴jchi¹nca³-na⁴. Li²coi³ cha³jⁱⁿ³-na³ ni¹chjⁱⁿ³ nca³ ni⁴tjen⁴ nca³ si³cja³⁷ai³tsjen³-le²³ nca³ v⁷e³ts⁷oa²³. ⁴Me³-na³ nca³ scoe³-le²³, nca³ fa³⁷ai³tsjen³-na³ nta¹xcoi³, jme¹-ni³ nca³ tse³ cjoa⁴tsjoa³ s⁷e⁴-si¹ni³na³. ⁵Tjⁱⁿ¹jⁱⁿ³-na³ jo³-s⁷in² nca³ ña³qui³ cjoa⁴qui²xi⁴ ma³cjain¹-li², nca³ c²oa⁴-s⁷in² ti¹tjon² coan³cjain¹-le⁴ na⁴jcha¹-li⁴ Loida cao⁴ na⁴-li⁴ Eunice. C²oa⁴²-ti⁴ n⁷ion¹

nta³ ⁷ve³ nca³ ma³cjain¹-li². ⁶Xi³ coi³-vi⁴ si³cja³⁷ai³tsjen³-le²³ nca³ c²oe¹tse³-sai³ je² cjoa⁴tjao²-le⁴ Ni³na¹ xi³ je³ti¹jna³jⁱⁿ³-li² nca³ an³ tsa³ca³son²-le²³ ntsa⁴. ⁷Ni³na¹ li²coi³ qui³tsjoa³-na¹ cjoa⁴jcon³. To⁴c²oa⁴-s⁷in² qui³tsjoa³-na¹ nca³n⁷ion¹, cao⁴ cjoa⁴tjao²cha³, cao⁴ cjoa⁴fa³⁷ai³tsjen³ xi³ nta³ fi²cao⁴ yao³-na¹. ⁸Coi³ cjoa⁴ a³li² ma³soa³-jⁱⁿ²li² nca³ c²oi⁴ en¹ xi³ t⁷a³ts⁷e⁴ Nai³-na¹, ni⁴t⁷a³ts⁷an⁴-j^{ian}²³ nca³ cjoa⁴n⁷ain³ ti²jna⁴ xi³ t⁷a³ts⁷e⁴ Nai³-na¹. To⁴sa³ c²oa⁴-ti⁴ ji³ chja⁴⁷ai²³ cjoa⁴n⁷ain³ xi³ t⁷a³ts⁷e⁴ je² en¹nta³ t⁷a³ts⁷e⁴ Cristo, jo³ tjⁱⁿ¹ nca³n⁷ion¹-le⁴ Ni³na¹. ⁹Je² xi³ tsa³c²a³sje³ntjai²-na¹, xi³ qui³nchja⁴-na¹ xi³ t⁷a³ts⁷e⁴ xa¹tsje³-vi⁴. A³li² tsa² c²oa⁴-s⁷in² va³quin²-le⁴ xa¹-na¹, to⁴je² xi³ c²oa⁴-s⁷in² coan³me³-le⁴ cao⁴ cjoa⁴nta³-le⁴ xi³ qui³ts⁷ai²-na¹ cao⁴ Cristo Jesús jo³ sa³⁷nta³ ti¹tjon² nca³ to²ts⁷in³-le⁴ cjoa⁴. ¹⁰Nt⁷ai⁴-vi⁴ je³coan³tsen³ nca³ ja³⁷ai³ c²a³tsen³ xi³ tsa³c²a³sje³ntjai²-na¹, Jesucristo, xi³ tsa³cja³⁷a¹xin² cjoa⁴vi³ya³. To⁴t⁷a³ts⁷e⁴ je² en¹nta³ xi³ t⁷a³ts⁷e⁴ Cristo qui³si³c²a³tsen³ cjoa⁴vi³jna³chon³ xi³ ni⁴c⁷ia³-jⁱⁿ² cjoe⁴t⁷a³. ¹¹Xi³ t⁷a³ts⁷e⁴ je² en¹nta³-vi⁴ c²oa⁴-s⁷in² qui³s⁷e³ne²-na³ nca³

nchja²ya³, nca³ pa²stro⁴ ma³, nca³ maestro ma³-le⁴ cho⁴ta⁴ xi³ li² judío-jin². ¹²Coi³ cjoa⁴ c²oi⁴-s²in² ti²fa³⁷a³-nia³ cjoa⁴ñ²ain³-vi⁴, to⁴nca³ li²coi³ ma³soa³-na³ nca³ ⁷ve³-nia¹³ Cristo xi³ je³coan³cjain¹-na³ t²a³ts⁷e⁴. Ña³qui³ tjin¹j³in³-na³ nca³ to⁴je²-sa³ xi³ tjin¹-le⁴ nca³n⁷ion¹ nca³ c²oe⁴²tjao² xi³ an³ qui³sca³ni²-le⁴ sa³⁷nta³ c²ia⁴ ni⁴chjin³-ve⁴. ¹³Nta³ t²e²j³in³-ta³coi²³ jo³ tso² je² en¹ xi³ nta³, xi³ an³ qui³no²⁷ya²-nai¹³. T⁷e²j³in³-ta³coi²³ jo³-s⁷in² nca³ ma³cjain¹-na¹, c²oa⁴ jo³-s⁷in² nca³ tjao²cha³² nca³ ti³yo³coa⁴² Cristo Jesús. ¹⁴Xi³ to⁴t²a³ts⁷e⁴ je² Espíritu Santo xi³ ti¹j³na³j³in³ ni⁴ma⁴-na¹, nta³ t²e²j³na³tjoi²³ je² xi³ qui³cha³ni²-li². ¹⁵Je³⁷yai³ je²-vi⁴ nca³ qui³tsjion³-na³ nca³ts⁷i³ xi³ tjio¹ ya⁴ Asia. Ya⁴ tjio¹j³in³-le⁴ Figelo cao⁴ Hermógenes. ¹⁶Je² Nai³-na¹ ca²ta³ma³ma⁴que³ cho⁴ta⁴ xi³ ts⁷e⁴ nt⁷ia³-le⁴ Onesiforo. Cjai¹nca³ ncjin² c²a³ qui³si³c²e¹j³na³con³-na³. Li²coi³ coan³soa³-le⁴ nca³ cjoa⁴ñ²ain³ ti²j³na⁴. ¹⁷To⁴sa³ c²ia⁴ nca³ ji³cho² Onesiforo ya⁴ Roma, cjai¹nca³ xi¹ti¹ya³ tsa³ca¹sjai³-na³. Coan³sjai³-le⁴. ¹⁸Je² Nai³-na¹ ca²ta³ma³ma⁴que³ nca³ je² c²ia⁴ ni⁴chjin³-ve⁴. A³li² to⁴c²oa⁴cji³ nta³ tsa³ca³sen¹cao⁴ ya⁴ Efeso, ji³ ni¹³ xi³ nqui²sa⁴ nta³ ⁷yai³.

Jo³-ni³ tsa² so³nta²do⁴ xi³ nta³
fi²t²a³-le⁴ Jesucristo ca²ta³ma³²

2 Ji³ ⁷nti¹-na⁴, ch⁷a⁴sjai³
nca³n⁷ion¹, nca⁴ Cristo
Jesús tsjoi¹-li² cjoa⁴nta³. ²Je² xi³
qui³no²⁷ya²-nai¹³ nqui³xcon⁴ testigo
xi³ ncjin² ma³-ni³, je²-vi⁴ t²e²ne²-lai⁴
cho⁴ta⁴ xi³ tjio¹j³ncoc³con³, xi³ c²oa⁴-
ti⁴ coan⁴-le⁴ coa⁴co²ya³-le⁴ xi³c²a³.

³C²oa⁴-ti⁴ ji³ chja⁴⁷ai²³ cjoa⁴ñ²ain³,
jo³-ni³ tsa² so³nta²do⁴ xi³ nta³
fi²t²a³-le⁴ Jesucristo. ⁴Ni⁴j³ncoc³-j³in²
xi³ so³nta²do⁴ tso²⁷va³, tjo³⁷nte³-
le⁴ nca³ ca³ni¹j³in³ yao³-le⁴ cjoa⁴ xi³
tjin¹ son³⁷nte³, jme¹-ni³ nca³ nta³
c²oe⁴²-ni³con³ je² xi³ cjoa⁴so³nta²do⁴
qui³tsjoi³-le⁴. ⁵C²oa⁴-ti⁴s⁷in² je² xi³
si¹sca¹ li²coi³ si⁴²qui³njen³ chji¹-le⁴
tsa² tsi² nta³ si⁴²sca¹, jo³-s⁷in² xi³
cjoa⁴qui²xi⁴. ⁶Je² cho⁴ta⁴ xi³ n⁷ion¹
nta³ si¹xa¹ cjai¹nca³ ma³chjen¹ nca³
ti¹tjon²-cjoa²la² si¹xa¹, jme¹-ni³ nca³
c²oa⁴-s⁷in²ni³ c²oe⁴²xco¹ ntje⁴-le⁴.
⁷Cho¹son²-ni³lai⁴ jo³ xin³-le²³. Je²
Nai³-na¹ si⁴²cho⁴ya³-li² nca³yi³je³.
⁸Ti⁴cja³⁷ai³tsjain³ t²a³ts⁷e⁴ Jesucristo
xi³ ji³nchoa³-ni³ ntje⁴-le⁴ David.
Ja³⁷a²ya³j³in³-ni³le⁴ c²en³ jo³ tso²
je² en¹nta³ xi³ nchja²ya³. ⁹Xi³
t²a³ts⁷e⁴ je² en¹nta³-vi⁴ ti²fa³⁷a³
cjoa⁴ñ²ain³ sa³⁷nta³ nto⁴ya¹ jo³-
ni³ tsa² cho⁴ta⁴ts⁷en⁴. To⁴nca³ je²
en¹-le⁴ Ni³na¹ li²coi³ s⁷e³chjoi²-le⁴.
¹⁰Coi³ cjoa⁴ nca³yi³je³ jcho¹cjoa⁴-
na³ xi³ t²a³ts⁷e⁴ je² cho⁴ta⁴ xi³
qui³tjo³j³in³, jme¹-ni³ nca³ c²oa⁴-ti⁴
je² coi⁴tjo³ntjai²-si¹ni³ xi³ to⁴t²a³ts⁷e⁴
Cristo Jesús cao⁴ cjoa⁴je³ya³ xi³
nca³ntsjai². ¹¹Ña³qui³ en¹qui²xi⁴:
Tsa² c²oa⁴-s⁷in² c²en³² ña¹ cao⁴ je²,
c²oa⁴-ti⁴s⁷in² coi⁴yo³choan³² ña¹ cao⁴
je². ¹²Tsa² ti¹jcho¹cjoa⁴-na¹ cao⁴ je²,
c²oa⁴-ti⁴s⁷in² coa⁴te²xo³ma³² cao⁴
je². Tsa² c²oe¹⁷ma³-le⁴², c²oa⁴-ti⁴ je²
c²oe⁴²⁷ma³-na¹. ¹³Tsa² tsi² ma³cjain¹-
na¹ nca³ ña¹, to⁴jo³ si¹j³ncoc³ nca³
je². Li²coi³ coan⁴ si⁴²c²a³ntjai²ya³
yao³-le⁴.

Nta³ si⁴chjen¹ je² en¹ xi³ cjoa⁴qui²xi⁴
¹⁴Ti⁴cja³⁷ai³tsjen³-lai⁴ je²-vi⁴,
t²e²ne²-lai⁴ nqui³xcon⁴ Nai³-na¹

nca³ tsi² fao¹ya³-ni³ en¹-ve⁴ xi³
 ni⁴to⁴jme³-jin² chji¹-le⁴. To⁴sa³
 si¹sca¹ya³-le⁴ xi³ tjio¹nch¹oe¹.
 15 Cjai¹nca³ nta³ ti⁴xi¹ti¹yai³, jme¹-ni³
 nca³ coi⁴sen⁴jna³va³sen³-si¹ni³ nca³
 nta³ coi²tjoi⁴ t⁴a³ts⁷e⁴ Ni³na¹, jo³-ni³
 jnco³ xi³ si¹xa¹ xi³ tsi² tsa² jme³ xi³
 coan⁴soa³-le⁴ nca³ nta³ si¹chjen¹ je²
 en¹ xi³ cjoa⁴qui²xi⁴. 16 Ti⁴sen⁴xin²-
 lai⁴ xi³ to⁴xquia⁴ na⁴jmi¹ xi³ tsi²jme³
 chji¹-le⁴ t⁴a³ts⁷e⁴ Ni³na¹. To⁴nqui²sa⁴-
 sa³ cjin³ sca⁴ni² cho⁴ta⁴ nca³ tsi²
 scoe⁴xcon¹ Ni³na¹. 17 Je² en¹-le⁴
 to⁴coai⁴ ca³jna³ jo³-ni³ tsa² jnco³
 jtse¹. Himeneo cao⁴ Fileto tjio¹jini³-le⁴
 xi³ c⁷oa⁴cjoan³. 18 Xin² ntia⁴² qui³-
 le⁴ cjoa⁴qui²xi⁴. Qui³tso² nca³ je² xi³
 cjoa⁴⁷a¹ya³-le⁴, je³coan³. C⁷oa⁴-s⁷in²
 si¹sca¹ya³c⁷a³-le⁴ xi³ ma³cjain¹-le⁴.
 19 To⁴nca³ je² nca³n⁷ion¹-le⁴ Ni³na¹
 jo³ chjao¹ja⁴ma⁴ xi³ n⁷ion¹ ti¹jna³.
 Tjin¹-le⁴ je² choa⁴-vi⁴: Je² Nai³-na¹
 ve³ jna³-le⁴ xi³ ts⁷e⁴. Je² nca³ts⁷i³
 xi³ nchja⁴ jan³⁷ain¹-le⁴ Cristo
 ca²ta³vi³tjo³xin²-le⁴ cjoa⁴ts⁷en⁴.
 20 Ya⁴ jnco³ ni³⁷ya³ xi³ je³, a³li² tsa²
 tso³jmi² xi³ taon⁴si³ne² taon⁴choa³-
 jin² tjini¹, to⁴nca³ c⁷oa⁴²-ti⁴ tjini¹
 xi³ ya¹ xi³ ni³⁷nte³ coan³nta³-ni³.
 C⁷oa⁴-ti⁴s⁷in² tjini¹ c⁷a³ xi³ ya³xcoan¹
 c⁷oa⁴ xi³ tsi² ya³xcoan¹. 21 Tsa² jnco³
 xi³ coi³ cjoa⁴ si¹tsje³-ni³ yao³-le⁴,
 c⁷oa⁴cjoan³ jo³-ni³ tsa² cho⁴tsin¹
 xi³ ya³xcoan¹, xi³ je³coan³tsje³, xi³
 coan⁴ coan⁴chjen¹-le⁴ Nai³-na¹, nca³
 ti¹jna³nta³ to⁴jme³ xa¹ xi³ nta³ tjini¹.
 22 Ti⁴sen⁴xin²-lai⁴ cjoa⁴sca¹ya³-le⁴
 xti³. C⁷oa⁴-s⁷in² t⁷in³coai⁴ yao³-
 li⁴ cao⁴ xi³ cjoa⁴qui²xi⁴, cao⁴ xi³
 ma³cjain¹-na¹, cao⁴ xi³ cjoa⁴tjao²cha³,
 cao⁴ xi³ cjoa⁴nch⁷an¹ta³con², cao⁴
 je² cho⁴ta⁴ xi³ nchja⁴-le⁴ Nai³-na¹
 cao⁴ ni⁴ma⁴ xi³ tsje³. 23 To⁴nca³ je²

xi³ si¹cjan³⁷a³-ni³ en¹-le⁴ xi¹ncjin¹
 xi³ tsi²jme³ chji¹-le⁴, xi³ tsin²-le⁴
 cjoa⁴chji⁴ne⁴-jin², ti²tjo⁴xin²-lai⁴.
 Je³⁷yai³ nca³ to⁴cjoa⁴si³ v⁷e¹ts⁷ia⁴.
 24 Je² cho⁴⁷nta³-le⁴ Nai³-na¹ a³li²coi³
 ma³chjen¹ nca³ cho⁴ta⁴cjoa⁴si³
 coan⁴, to⁴nca³ ma³chjen¹ nca³
 nt⁷e¹ coan⁴ xi³ t⁴a³ts⁷e⁴ nca³ts⁷i³,
 nca³ ma³-le⁴ va³co¹ya³, nca³
 si¹cjain¹ xi³ ch⁷ao³ si¹cao⁴. 25 Cao⁴
 cjoa⁴nta³ ca²ta³tso⁷ya³nta³-le⁴ je²
 xi³ va³tio²ta²ja³-le⁴, tsa² tsjoa¹-
 sa³le⁴ Ni³na¹ nca³ si⁴²c⁷a³ntjai²ya³
 cjoa⁴fa³⁷ai³tsjen³-le⁴, jme¹-ni³ nca³
 scoe⁴-ni³ xi³ cjoa⁴qui²xi⁴. 26 C⁷oa⁴-
 s⁷in² coi⁴tjo³xin²-ni³ chen⁴-le⁴ nai⁴²
 je² xi³ tjio¹n⁷ion¹-le⁴ jo³-s⁷in² me³-le⁴
 nca³ je².

Jo³ cjoan³ cho⁴ta⁴ xi³ s⁷e⁴ je²
 ni⁴chjin³ xi³ cjoe⁴⁷a³

3 Je²-vi⁴ c⁷oa⁴-ti⁴ ca²ta³⁷yai³
 nca³ je² ni⁴chjin³ xi³ cjoe⁴⁷a³
 cjoa⁴⁷ai¹-na¹ cjoa⁴⁷ain³ xi³ tse³.
 2 S⁷e⁴ cho⁴ta⁴ xi³ to⁴yao³-le⁴
 tsjoa³que³ coan⁴, xi³ ch⁷ao³ntai³,
 xi³ nchja⁴⁷a³ yao³-le⁴, xi³ nc⁷a³con³,
 xi³ ch⁷ao³ tso²-le⁴ xi¹ncjin¹, xi³
 ts⁷a³ntjai²cjoa⁴que³ xi³jcha¹-le⁴,
 xi³ ni⁴⁷i⁴tse¹-jin² tsjoa¹ cjoa⁴nta³,
 xi³ tsi² tsje³ tjini¹, 3 xi³ tsin²-le⁴
 cjoa⁴tjao²cha³-jin², xi³ si¹qui³tson¹
 en¹-le⁴, xi³ va¹nqui³ cao⁴ cjoa⁴nti³so³,
 xi³ to⁴cja⁴⁷ai¹-nca¹ s⁷in¹, xi³ toan¹, xi³
 taon³ ve³ xi³ nta³, 4 xi³ jao² ncjain¹,
 xi³ to⁴xquia⁴ s⁷in¹, xi³ to⁴si¹xcon¹
 ma³-le⁴, xi³ nqui²sa⁴ ma³tsjoa³que³
 cjoa⁴sca¹ cao⁴-ni³ tsa² Ni³na¹, 5 xi³
 ma³tsen³ jo³ xi³ ve³xcon¹ Ni³na¹,
 to⁴nca³ tjio¹t⁷a³xin²-le⁴ nca³n⁷ion¹-
 le⁴ Ni³na¹. Je² xo⁴cjoan³-vi⁴ xi³
 ti⁴sen⁴xin²-lai⁴. 6 Tjin¹ c⁷a³ xi³ ts⁷e⁴
 je²-vi⁴ xi³ ma³ fa³⁷a³en³che¹,

si¹nt²e¹t⁷a³-le⁴ n²ti¹ ya¹nchjin¹ xi³
 cjai¹nca³ tse³ je¹ y⁷a³, xi³ cja⁴⁷ai¹-sa³
 cjoa⁴chi⁴nca⁴ fi²cao⁴ nca³ je², 7 xi³
 tjio¹co³t⁷a³ya³ntsjai², c⁷oa⁴ ni⁴c⁷ia³-
 jin² ma³-le⁴ cjoa⁴fa³⁷ai³tsjen³ xi³
 cjoa⁴qui²xi⁴. 8 Jo³-s⁷in² qui³s⁷in³
 Janes cao⁴ Jambres nca³ ña³qui³
 tsa³ca³tio²ta²ja³-le⁴ Moisés, c⁷oa⁴²-
 ti⁴ s⁷in¹ je²-vi⁴ nca³ va³tio²ta²ja³-le⁴
 xi³ cjoa⁴qui²xi⁴, cho⁴ta⁴ xi³ ch⁷ao³
 tjio¹ cjoa⁴fa³⁷ai³tsjen³-le⁴, xi³ tsi² nta³
 j³tjo³ t⁷a³ts⁷e⁴ en¹ xi³ ma³cjain¹-na¹.
 9 To⁴nca³ li²jme³ xi³ ti⁴coi⁴njen³-
 ni³le⁴, nca³ je² cjoa⁴sca¹-le⁴
 jcha⁴-le⁴ nca³ts⁷i³, jo³-s⁷in² tsa³⁷ya³-
 le⁴ cjoa⁴sca¹-le⁴ xi³ nqui²jao²-ve⁴.

Pablo v⁷e¹ne²-le⁴ Timoteo

10 To⁴nca³ ji³ coan³cho⁴ya³-
 li² je² cjoa⁴fa³⁷ai³tsjen³-na⁴,
 jo³-s⁷in² tsa³ca³co³ya²³-le²³, jo³
 qui³s⁷ian³, jme³ xi³ tsa³c⁷a³mjen³
 ca²sje³, jo³-s⁷in² coan³cjain¹-
 na³, jo³-s⁷in² qui³si³-cjen¹³,
 jo³-s⁷in² coan³tsjao³que⁴, jo³-
 s⁷in² qui³cho¹cjoa⁴-na³, 11 jo³-s⁷in²
 tsa³qui³yo³tjen⁴nqui³ co²ntran⁴-
 na³, jo³-s⁷in² qui³si³cja³⁷a¹-na³
 cjoa⁴ñ⁷ain³, je²-vi⁴ xi³ ja³⁷ai³ne²-na³
 ya⁴ Antioquía, ya⁴ Iconio, ya⁴ Listra.
 Coi³ cjoa⁴ñ⁷ain³ xi³ tsa³cja³⁷a³. Nai³-
 na¹ tsa³c⁷a³sje³ntjai²-na³ nca³yi³je³.
 12 C⁷oa⁴ je² nca³ts⁷i³ xi³ me³-le⁴ nca³
 tsje³ coa⁴tio²con³t⁷a³-le⁴ Cristo Jesús,
 c⁷oa⁴-ti⁴s⁷in² cjoa⁴⁷a² cjoa⁴ñ⁷ain³.
 13 To⁴nca³ je² cho⁴ta⁴ts⁷en⁴, c⁷oa⁴
 je² xi³ v⁷a³na⁴cha⁴ to⁴ñ³qui³
 to⁴sin³ to⁴nta³ nqui²sa⁴-sa³ ts⁷en⁴
 coan⁴, c⁷oa⁴na⁴cha⁴-sa³le⁴, c⁷oa⁴-
 ti⁴ ch⁷a⁴na⁴cha⁴-sa³le⁴. 14 To⁴nca³ ji³
 nta³ t⁷in³coai⁴ xi³ qui³cho²t⁷a³ya³,
 xi³ nta³ coan³cjain¹-li², nca³ je³⁷ya³
 y⁷ya³ xi³ tsa³ca³co¹ya³-li². 15 Sa³⁷nta³

nca³ n²ti¹ ti³soi³, tsa³⁷ya³ je² xon⁴
 Escritura xi³ ts⁷e⁴ Ni³na¹, je² xi³ nta³
 si⁴²chji⁴ne⁴-li² jo³-s⁷in² coi²tjo⁴ntjai²³
 xi³ to⁴t⁷a³ts⁷e⁴ nca³ ma³cjain¹-li²
 t⁷a³ts⁷e⁴ Cristo Jesús. 16 Nca³yi³je³
 xon⁴ Escritura Ni³na¹ ji³n³choa³-ni³,
 c⁷oa⁴ cjai¹nca³ nta³ ma³chjen¹ nca³
 va³co¹ya³-na¹, nca³ nchja⁴ti³cao⁴-
 na¹, nca³ si⁴²cho⁴ya³nta³-na¹, nca³
 si⁴²qui³ncha¹ya³ntia⁴²-na¹ xi³
 cjoa⁴qui²xi⁴, 17 jme¹-ni³ nca³ je²
 cho⁴ta⁴-le⁴ Ni³na¹ ña³qui³ tji¹jnc³-
 si¹ni³, nca³ ña³qui³ tjin¹yi³je³-le⁴ xi³
 ma³chjen¹-le⁴ t⁷a³ts⁷e⁴ nca³yi³je³ xa¹
 xi³ nta³.

4 V⁷e³ne²³-le²³ nqui³xcon⁴ Ni³na¹
 cao⁴ Nai³-na¹ Jesucristo xi³
 s⁷a⁴ c⁷oe⁴²nta³j³in³-le⁴ xi³ tjio¹con³
 cao⁴ xi³ c⁷en³, nca⁴ Jesucristo
 coan⁴tsen³, cjoa⁴⁷ai¹ ca³te¹xo³ma³.
 2 Ti⁴no²cjoa⁴ya³ en¹-vi⁴, ti⁴xi¹ti¹ya³
 nca³ntsjai² ni⁴chjin³, ti⁴cho⁴ya³-
 lai⁴ ti⁴no²cjoa⁴ti³coai⁴ t⁷e²ne²-lai⁴
 cao⁴ nca³yi³je³ cjoa⁴ts³ta³con²
 cao⁴ cjoa⁴fa³⁷ai³tsjen³ xi³
 c⁷oin¹ya³-lai⁴. 3 Cjoi⁴cho³ ni⁴chjin³
 nca³ tsi²coi³ si⁴²cjain¹-le⁴ xi³
 nta³ cjoa⁴fa³⁷ai³tsjen³, to⁴sa³
 c⁷oe⁴²xco¹t⁷a³-le⁴ yao³-le⁴ maestro
 jo³-s⁷in² me³-le⁴ cjoa⁴chi⁴nca⁴-le⁴,
 c⁷oa⁴ jo³-s⁷in² nca³ na³sca¹ tso²-le⁴
 xo⁴ño³. 4 Li²coi³ coi⁴ncha²ño³-le⁴
 xi³ cjoa⁴qui²xi⁴, to⁴ya⁴² coai⁴
 nch⁷oe² xi³ to⁴⁷en¹. 5 To⁴nca³ ji³
 nta³ ti⁴jna³chon³⁷ntai³, ti⁴cjain¹-lai⁴
 cjoa⁴ñ⁷ain³, ti⁴xai¹³, ti⁴no²cjoa⁴ya³
 t⁷a³ts⁷e⁴ Ni³na¹, ti⁴jncoi³ xa¹-li⁴.
 6 Je³ti²jna⁴chian³ cjoa⁴vi³ya³-na⁴,
 jo³-s⁷in² v⁷ai²t⁷a³ cjoa⁴tjao².
 Cjai¹nca³ choa³-sa³ ma³ ni⁴chjin³
 nca³ cjoia¹³. 7 Nta³ qui³si³toan¹jian³
 cjoa⁴jchan¹. Qui³si³jncoa³ xa¹-
 na⁴. Nta³ qui³si³tjo³son²-nia³ en¹

xi³ ma³cjain¹-na¹. ⁸Je² xi³ fe³t'a³,
 ti¹jna³tjao²-na³ je² cjoa⁴qui²xi⁴
 xi³ jo³-ni³ jnco³ corona, xi³ c'ia⁴
 ni⁴čhjin³-ve⁴ tsjoa¹-na³ je² Nai³-na¹
 xi³ v'e¹nta³jjin³ cao⁴ cjoa⁴qui²xi⁴.
 A³li² tsa² to⁴an³-jjan² xi³ tsjoa¹-na³,
 c'oa⁴²-ti⁴ tsjoa¹-le⁴ nca³ts'i³ xi³ me³-
 le⁴ nca³ coan⁴tsen³ nca³ je².

Pablo v'e¹ne²-le⁴ cho⁴ta⁴

⁹Ti⁴xi¹ti¹yai³ nca³ nti⁴ton⁴
 nčhoa¹chon³-nai¹³. ¹⁰Je² Demas
 qui³tsjion³-na³ nca³ coan⁴tsjoa³que³
 cjoa⁴ xi³ tjin¹ nt'ai⁴-vi⁴. Qui³ ya⁴
 Tesalónica. Crescente qui³ ya⁴
 Galacia. Tito qui³ ya⁴ Dalmacia.
¹¹To⁴je² Lucas xi³ ti¹jna³cao⁴-na³.
 Chjoai¹³ Marcos, nčhoa¹coai⁴.
 Cjai¹nca³ coan⁴chjen¹-na³ xi³
 t'a³ts'e⁴ xa¹-vi⁴. ¹²Je² Tíquico
 qui³sca³nia³ ya⁴ Efeso. ¹³C'ia⁴
 nca³ cjoia⁴nčhoai³ nčhoa¹coai⁴
 je² tso⁴nca⁴ xi³ tsa³c'e³jna²³ ya⁴
 Troas ya⁴ nt'ia³-le⁴ Carpo, cao⁴
 xon⁴, ti¹tjon² je² xon⁴čhjoa⁴.
¹⁴Alejandro je² chji⁴ne⁴qui⁴cha⁴
 a³li² to⁴c'oa⁴cji³ taon³ tsa³ve³-na³.
 Je² Nai³-na¹ c'oe⁴²chji¹-le⁴ jo³ tso²
 je¹-le⁴. ¹⁵C'oa⁴-ti⁴ ti⁴coi²ntai⁴ yao³-
 li⁴ xi³ cao⁴ je². Cjai¹nca³ to⁴ta²ja³
 tsa³c'e²jna³-le⁴ en¹-na¹. ¹⁶C'ia⁴ nca³

ti¹tjon² qui³nchja²ntje²³ yao³-na⁴
 ni⁴to⁴ya³-jin² xi³ tsa³qui³ncha²cao⁴-
 na³, to⁴sa³ qui³tsjion³-na³ nca³ts'i³.
 A³li² coi²nta⁴-jin² s'in¹-le⁴. ¹⁷To⁴nca³
 je² Nai³-na¹ tsa³c'e²jna³cao⁴-na³.
 Qui³tsjoa³-na³ nca³n'ion¹, jme¹-ni³
 nca³ to⁴t'a³ts'an⁴ coan⁴jnco³-si¹ni³
 cjoa⁴qui²xi⁴ xi³ qui³nchja²ya³, c'oa⁴
 jme¹-ni³ nca³ nca³ts'i³ cho⁴ta⁴ xi³
 li² judío-jin² cjoia⁴nčh'oe¹-si¹ni³.
 Ji²tjo⁴ntjai²-nia³ ts'oa³ xa³. ¹⁸Je²
 Nai³-na¹ c'oa⁴sje³ntjai²-na³ nca³yi³je³
 cjoa⁴ts'en⁴, c'oa⁴ c'oe⁴²tjao²-na³ xi³
 t'a³ts'e⁴ cjoa⁴te¹xo³ma³-le⁴ nc'a².
 Ca²ta³s'e³-le⁴ cjoa⁴je³ya³ nca³ntsjai²
 nca³ntsjai². C'oa⁴ ca²ta³ma³.

Cjoa⁴ni²ti²nta³ xi³ fe³t'a³

¹⁹Ti⁴ti²ntai³ Prisca cao⁴ Aquila
 cao⁴ nca³ts'i³ cho⁴ta⁴ xi³ ts'e⁴ nt'ia³-
 le⁴ Onesíforo. ²⁰Erasto tsa³c'e²jna³
 ya⁴ Corinto. Je² Trófimo qui³si³-
 c'e¹jna³ ya⁴ Mileto nca³ ti¹m'en³.
²¹Ti⁴xi¹ti¹yai³ nčhoa¹nti⁴ton⁴-
 ni³ nca³ cje³ chan⁴nch'an¹-jin².
 Eubulo, cao⁴ Pudente, cao⁴ Lino,
 cao⁴ Claudia, cao⁴ nts'e³² nca³ts'i³
 si¹ti²nta³-li². ²²Je² Nai³-na¹
 Jesucristo ca²ta³v'e²jna³cao⁴ ni⁴ma⁴-
 li⁴. Cjoa⁴nta³ ca²ta³s'e³-no³. C'oa⁴
 ca²ta³ma³.